MAKANGVE

FAITE

AV ROY

PAR

MONSIEVR TALON
SON ADVOCAT GENERAL
AV PARLEMENT DE PARIS.



A PARIS,

Chez FRANÇOIS NOEL, ruë Sainct Iacques, aux Colomnes d'Hercules.

M. DC. XLIX.

TTIAT

YOM VA

9 4

MODERT BOTHER MODE



Zine P.A. R.J. S., Committee and Committee a

MILE DE M



HARANGVE FAITE AV ROY,

PAR MONSIEVR TALON

son Aduocat general au Parlement de Paris.

nick Svene jeste a elloger ill

IRE,

Les séances des Roys en leur Parlement estoient autresfois les actions de grandeur, de Maiesté, & de ceremonie, elles n'ont commencé qu'en 1379. lors qu'il sut question de faire le procezà vn Edoüard Duc de Guienne, sils d'vn autre Edoüard Roy d'Angleterre; elles estoient en ce temps-là souhaittées, attenduës, & desirées par les peuples, parce que les Roys n'y venoient

que pour deliberer auec cette Compagnie de quelques affaires importantes à leur Estat, soit qu'il fust question de declarer la guerre aux ennemis de la Couronne, soit qu'il fust à propos de conclure la paix pour le soulagement de leurs peuples: mais auiourd'huy vostre Maiesté y vient auec esclat, auec bruit, & auec terreur & son de trompette. Autrefois il estoit permis en ce Parlement de contredire aux Roys, & de dire auec verité, Si RE, cela n'est pas iuste. Mais auiourd'huy par vn desordre dans la morale, & vne illusion dans la polytique, l'on apporte des Edicts tous dressez, dont l'on est bien asseuré de la verification qui s'en doit ensuiure. Autrefois cette Cour a refisté au Roy François I. aagé de trente ans, sur quelques leuées qu'il vouloit faire sur son peuple, & à present l'on n'ose rien resuser à vostre Maiesté melmes pendant sa minorité.

L'on nous dit qu'il n'est point facile dé conclure la paix auec les ennemis, qu'il est plus aisé de les sorcer par les ar-

mes que les surmonter par la raison, qu'il est aduantageux à l'Estat de ne pas manquer aux progrez des victoires & conquestes du Roy, quiont augmenté nos frontieres de nouvelles Provinces & de Royaumes entiers, soit que ces propo. stions soient vrayes ou simulées, tant y a que nous pouvons dire à Vostre Majesté que ces victoires ne diminuent rien de la misere de ses peuples, qu'il y a des Prouinces entieres où l'on ne se nourrit que d'vn peu de pain d'auoine & de són, que ses palmes & les lauriers pour lesquels accroiftre, l'on travaille tant de peuples, ne sont poinct comptées parmy les bonnes plantes, puis qu'elles ne portet aucu fruit qui soit bon pour la vie, en effet toutes les Prouinces sont appauuries & espuisées pour fournir au luxe de Paris, ou plustost de quelques particuliers: l'on a mis imposition & fait des leuées lur toutes les choses dont on s'est peu imaginer, il ne reste plus, Stre, à vos sujets que leurs ames, lesquels si elles eussent esté venales, il y

B

a long-temps qu'on les auroit mises à l'encant.

Ce gouvernement despotique & souuerain seroit bon parmy les Scithes, les Barbares & les peuples esloignez & Seprentriennaux qui n'ont que le visage d'hommes: Mais en la France qui à toussours esté le Pays le mieux policé du monde, les peuples ont toussours fait estat d'estre nais libres, & deviure comme veritables François; Cependant ils se voyent traittez comme des esclaues, & forçats qui gemissent & prestent le dos sous le baston des Comites de Galeres, dont ils voudroient auoir deuorer le cœur; bien loin d'attirer par leurs prieres les benedictions du Ciel sur cét Estat, il y en a beaucoup qui medisent & maudissent dans le cœur ceux qu'ils sont obligés de respecter à l'exterieur.

C'est à vous, MADAME, de penser à toutes ces choses, & de faire restexion sur toutes les miseres du temps, lors que vous serez recüeillie dans vostre Cabinet & vostre Oratoire, songez que

pour l'entretien de la guerre il y a tant d'ames qui gemissent dans les Prouinces. Faites MADAME, que la bonté, la douceur & l'humanité puissent desormais auoir des lettres de naturalité dans le Louure. Toutes-fois considerant les vrgentes necessitez de l'Estat qu'on vous vient de representer, nous n'empeschons point pour le Roy que les nouneaux Edits proposez ne soient enregissitez & verisiez.

personnelied to professional construction of the construction of t